

Program 1R1K Taman Mutiara jadi contoh

Sinar Harian (Sentral) 9/3/19 (Rabu) m/s: 20

KUANTAN - Program 1Rumah 1Kebun yang dilaksanakan penduduk Taman Mutiara Perdana di sini mampu menjadi contoh kepada komuniti lain dalam usaha mengoptimalkan tanah terbiar di kawasan kejiranan masing-masing.

Program berkonsepkan kebun dapur yang dilaksanakan sejak dua tahun lalu itu disertai hampir sebahagian besar penduduk taman yang mempunyai 200 unit rumah itu.

Setiausaha Pertubuhan Komuniti Mutiara Kuantan, Zulkhairi Md Ghani berkata, bermula sebagai tanaman sayuran sebagai hiasan halaman, peserta kini mengorak langkah ke hadapan dengan menerapkan penggunaan teknologi tanaman moden termasuk kaedah tanaman hidroponik bagi mengoptimalkan kawasan rumah masing-masing.

Menurutnya, inisiatif yang digerakkan pertubuhan itu dengan kerjasama Kawasan Rukun Tetangga (KRT) Taman Mutiara Perda-



Zulkhairi (kanan) bersama Mohd Syukor (kiri) dan Zainuddin (tengah) menunjukkan antara tanaman yang diusahakan.

na dan Fakulti kejuruteraan Awam dan Sumber Alam **Universiti Malaysia Pahang (UMP)** kini dalam fasa seterusnya untuk dikembangkan dan diperluaskan dengan penglibatan lebih ramai penduduk.

“Selain mengeluarkan hasil sayuran dan ulaman, peserta juga meluaskan produk dengan membekalkan anak pokok dan imput pertanian organik.

“Kita mendapat kerjasama dengan pihak Fakulti kejuruteraan Awam dan Sumber Alam UMP untuk khidmat nasihat dan perkongsian teknologi tanaman dan keusahawanan,”

katanya ketika ditemui pada Program Karnival Jualan 1R1K komuniti itu.

Turut hadir, Pengerusi KRT, Zainuddin Mohamed dan Pengarah Urusan UMP Ecopest SDn Bhd, Abdul Syukor Abd Razak.

Zulkhairi berkata, selain memanfaatkan kawasan terbiar program itu juga merupakan platform interaksi sosial kejiranan ke arah memupuk semangat kerjasama dan perpaduan dalam kalangan penduduk setempat ke arah yang lebih baik.